

EW NAMOPUNG

A ekkesiwini Sopun 2 Itenap 29 me non ewe Truk District Code, me pwan ren ekkoch popun.

Epwe Pung me ren ewe Legislature-un ewe Muun Chuuk:

Tetten 1. Ekkesiwin. Sopun 2, Itenap 29 me non ewe Truk District Code

iei a ekkesiwin non ei ititin:

"SOPUN 2.

Takisesin ewe Takisesin Niwin me Moni Tonong non Tettenin

Tetten:

- 31. Popun
- 32. Takisesin ewe Takisesin Niwin
- 33. Takisesin ewe Takisesin Moni Tonong
- 34. Ioien Takises


Tetten 31. Popun. Popun ei Namopung pwe epwe awora takises won ipuku prosentin takisesin ewe takisesin niwin me moni tonong fiti pungun kinikinin Tetten 280 me Sopun 11, Itenap 77 me ron ewe Puken Annukun Trust Territory.


Tetten 32. Takisesin Takises won niwin me niwinin angang. Iei a foruta ew takisesin takises won ipuku prosent won niwin me niwinin angang seni Tetten 252, Sopun 11, Itenap 77 non ewe Puken Annukun Trust Territory, chinoon chok met mei affat non kinikinin (2) Tetten 252, Itenap 77 non ewe Trust Territory Code. Ewe takisesin takises mei kapachenong takisesin takises mei namot ururun epwe foruta seni Tetten 5 non Public Law No. 6-52.


Tetten 33. Takisesin ewe Takisesin ren unusen Moni Tonong. Iei a foruta ew takisesin ewe takises won ipuku prosent ren met ukukun unusen moni tonong fiti pungun met mei foruta non Tetten 258, Sopun 11, Itenap 77 non ewe Puken Annukun Trust Territory.


Tetten 34. Ioien Takises. Ewe Meinapen Putaen Finance non Chuuk epwe wisen kutta, awora me ioni ei takisesin takises mei foruta re non ei Sopun, iwe epwe ngeni ewe District Treasurer pwe epwe atononga non ewe Monienapen Legislature-un ewe Muun Chuuk."

Tetten 2. Poputaan Pochokunan. Ei Namopung epwe poputa pochokunan tiwe
(90) raan me murin an kapunguno me ren Kepina, ika atun chok an a pusin winiti
annuk, nge esemwo kapunguno.

Sain seni: 
Tadashi C. Wainit, Speaker
Legislature of the Truk District

Annotata seni: 
Datasi Albert
Legislative Clerk/Secretary
Legislature of the Truk District

Pwinin maram: 

A kopunguno seni: 
Erhart Aten, Governor
Truk District Government

Pwinin maram:  25, 1975